

## Ho ya Angwang ke Hona

Southern Africa Labour Development Research Unit (SALDRU) le Yunivesithi ya Cape Town ba tla tshwarahana le tekolo e ntjha ya naha, e leng **National Income Dynamics Study (NIDS)**. Tekolo ena e tla fuputsa ka diphetoho tse bang teng bophelong mona Afrika Borwa, ka sepheo s aho utlwisisa hantle bophelo ba batho ba Afrika Borwa, dibopeho tsa malapa a bona le hore hona ho fetoha jwang ha nako e ntse e tsamaya. Ho tsamaelanang le maikemisetso ana ke hore re kopa motho e moholo ya tshwanelehileng lelapeng hore a arabe letoto la dipotso le mabapi le lepa le botsang ka badudi le ditho tse ding. Re tla be re se re kopa modudi ka mong ya dilemo tse ka hodimo ho tse 15 ho araba letoto la dipotso le motswadi kapa mohlokomedi ho araba letoto le lekgutshwane la dipotso le mabapi le ngwana ka mong ka lapeng. Hara dintho tse ding tseo re tla botsa ka tsona ke ya hore na ditho tsa lelapa leo di tswa hokae, maemo a bona a thuto, hore ba sebetse kapa tjhe, ka bophelo le kuno ya bona, ditshenyehelo le matlotlo a lelapa. Re tla metha bophahamo, boima le kगतello ya madi ya badudi bohle mme re ba nehe karata e nang le dintlha tsena.


Ka 2008 malapa a mang a leng moo o dulang a tla ba karolo ya malapa a 8 000 a ka bang le batho ba ka etsang 32 000 naheng ya Afrika Borwa yohle bao re tla ba le dipuisano le bona. Mosebetsi wa ho etela malapa bakeng sa tekolo o tla qala ho ya mafelong a kgwedi ya Pherekong 2008 mme o ye jwalo ho ya kgwedeng ya Motsheanong 2008. Re tla dula re ntse re iteanya le wena ka mora tekolo hobane re batla ho buisana le wena hape nakong ya dilemo tse pedi le nakong e nngwe e tlang. Ketelo tsena tse phetaphetwang di tla re thusa hore re kgone ho bona ka moo maemo a hao a fetohang ka teng ha nako e ntse e ya. Ha re kopanya tlhahisoleseding ya hao le ya malapa a mang re tla kgona ho bona hore ke eng e thusang batho ba Afrika Borwa ho tswela pele le hore ke eng e ba kgutlisetsang morao moruong.

Dinaha tse ngata tse ntseng di tswela pele le tse tswetseng pele di na le ditekolo tse tshwanang le ena hobane e le tsa bohlokwa bakeng sa ho fana ka lesedi la leano. Le ha ho le jwalo, ena ke tekolo ya ho qala ya naha ya mofuta ona mona Afrika Borwa. Ka hoo ke qalo ya ntho e nngwe e qabolang hape ya bohlokwa haholo. Lelapa la hao le kgethuwe ka mokgwa o mong o kgethehileng hore le be sehlopheng se seng sa rona sa malapa ao re tla sebetse le ona. Ka hoo ho ba le seabo ha hao ho bohlokwa haholo mme re ho ananela haholo.

**Development Research Africa (DRA)** e kgethuwe ho etsa mosebetsi wa ho etela malapa bakeng sa NIDS. Re sa boela re kopa hore o re dumelle ho bolela hore re tla ananela haholo thuso le tshebedisano mmoho ya hao mabapi le ho etsa bonnete ba hore mosebetsi ona wa ketelo ya malapa o a atleha bakeng sa diphuputso tsena tsa bohlokwa.

Ha ho ka etseha hore o batle ho tseba haholwanyane ka diphuputso tsena o ka iteanya le motsamaisi wa projeke ya NIDS, Mof. Sihaam Nieftagodien, nomorong ena 0800 11 NIDS (6437) kapa Mong. David Scott ho DRA nomorong ena 011 807 1194 kapa kena weposaeteng ena <http://www.nids.uct.ac.za>.

Ka boikokobetso



Prof Murray Leibbrandt  
Molaodi, SALDRU le Mofuputsi ya ka Sehloohong wa NIDS